



sBroj: 05-16-5-267-17/15
Datum: 29.04.2015. godine

Na osnovu člana 61. Zakona o upravi („Službeni glasnik BiH“, broj: 32/02 i 102/09) i člana 12. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj: 103/09), a u skladu sa članom 70. stav (1) i (3) Zakona o javnim nabavkama, („Službeni glasnik BiH“, broj: 39/14), te preporuke Komisije za nabavku goriva za motorna vozila (EURO Dizel 5 BAS EN 590), direktor Agencije za prevenciju korupcije i koordinaciju borbe protiv korupcije **d o n o s i**

ODLUKU

o izboru najpovoljnijeg ponuđača za nabavku goriva za motorna vozila (EURO Dizel 5 BAS EN 590) za potrebe Agencije za prevenciju korupcije i koordinaciju borbe protiv korupcije

Član 1.

Konkurentskim zahtjevom za dostavu ponuda i dodatnim obavještenjem o nabavci na portalu javnih nabavki, broj: 671-7-1-2-3-1/15 od 16.04.2015. godine, po kriterijumu »ekonomski najpovoljnija ponuda«, kao najpovoljniji ponuđač za nabavku goriva za motorna vozila (EURO Dizel 5 BAS EN 590) za potrebe Agencije za prevenciju korupcije i koordinaciju borbe protiv korupcije (u daljem tekstu: Agencija), izabran je »Nestro Petrol« a.d. Banjaluka, sa ukupnom cijenom ponude od **15.427,62 KM** (petnaest hiljada četiristodvadesetsedam i 62/100 konvertibilnih maraka) i udaljenošću najbliže benzinske pumpe od sjedišta Agencije od 1,5 km.

Član 2.

Agencija je zaprimila 3 (tri) ponude, od toga dvije su bile prihvatljive („Hifa-Petrol“ d.o.o. Sarajevo i „Nestro Petrol“ a.d. Banjaluka), a treća nije u potpunosti ispunjavala tražene formalno-pravne uslove („Petrol BH Oil Company“ d.o.o. Sarajevo), jer nije dostavljen dokaz (certifikat) da ima osiguranu kontrolu kvaliteta, kao ni podatak o udaljenosti najbliže B/P ponuđača od sjedišta Agencije, kao preduslov za obračun bodova za podkriterijum „operativni troškovi“ i kao takva nije ocjenjivana.

„Nestro Petrol“ je izabran kao najpovoljniji ponuđač jer je imao najveći ukupni broj bodova 98,58 (93,58 za podkriterijum „cijena“ i 5,00 za podkriterijum „operativni troškovi“), a drugoplasirana je „Hifa-Petrol“ sa 96,56 bodova (95,00 za podkriterijum „cijena“ i 1,56 za podkriterijum „operativni troškovi“).

Član 3.

Po okončanju roka za žalbu, a najranije 15 dana od dana kada su svi ponuđači obaviješteni o izboru najpovoljnije ponude, Agencija će pozvati izabranog ponuđača radi zaključenja ugovora, kojim će se regulisati međusobna prava i obaveze vezano za predmetnu nabavku, shodno zahtjevima Agencije navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

U skladu sa članom 99. Zakona o javnim nabavkama, protiv ove odluke dopuštena je žalba Agenciji, u pisanoj formi u 3 (tri) primjerka direktno na protokol Agencije ili elektronskim putem u roku od 10 (deset) dana od dana prijema odluke.

Član 5.

Ova odluka stupa na snagu danom donošenja.

DIREKTOR

mr. Sead Lisak

Dostavljeno:

- svim ponuđačima
- a/a